

Odluku o usvajanju programa utroška iz stava (1) tačka 1. ovog člana donosi Turističko vijeće, uz saglasnost Ministarstva trgovine, turizma i zaštite okoliša HNK.

Odluku o usvajanju programa utroška iz stava (1) tačka 2. ovog člana donosi Vlada, a na prijedlog Ministarstva trgovine, turizma i zaštite okoliša HNK.

Prihodi od turističke članarine iz stava (1) tačka 2. ovog člana koristit će se prema programu iz stava (4) ovog člana koji se utvrđuje za narednu godinu, u okviru prikupljenih sredstava iz prethodne godine.

Član 3.

Uredba stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
VLADA

Broj: 01-1-02-1258/16
Mostar, 10.6.2016. godine

PREDSJEDNIK
dr. sc. Nevenko Herceg, s.r.

312

Na osnovu člana 16. stav (1) i člana 17. stav (1) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 51. stav (3) Zakona o Turističkim zajednicama i unapređenju turizma u Hercegovačko-neretvanskom kantonu („Službene novine HNK“, broj: 5/00) Vlada Hercegovačko-neretvanskog kantona je na 23. sjednici, održanoj 10.6.2016. godine, donijela

UREDBU O IZMJENAMA UREDBE O BORAVIŠNOJ TAKSI U HERCEGOVAČKO- NERETVANSKOM KANTONU

Član 1.

U Uredbi o boravišnoj taksi u Hercegovačko-neretvanskom kantonu („Službene novine HNK“, broj: 5/10), član 10. mijenja se i glasi:

„Prikupljena sredstva boravišne takse uplaćuju se na račun Turističke zajednice Hercegovačko-neretvanskog kantona.“

Član 2.

Član 11. mijenja se i glasi:

„Turistička zajednica kantona dužna je ostvarena sredstva koja joj pripadaju od boravišne takse rasporediti na sljedeći način:

1. 40% za unapređenje turizma,
2. 15% namjenski očuvanje, zaštitu i obnavljanje prirodnog nasljeđa i kulturno-historijskog nasljeđa koji imaju turistički karakter i turistički potencijal.

Sredstva iz stava (1) ovog člana raspoređuju se na osnovu usvojenog programa utroška sredstava.

Odluku o usvajanju programa utroška iz stava (1) tačka 1. ovog člana donosi Turističko vijeće, uz saglasnost Ministarstva trgovine, turizma i zaštite okoliša HNK.

Odluku o usvajanju programa utroška iz stava (1) tačka 2. ovog člana donosi Vlada, a na prijedlog Ministarstva trgovine, turizma i zaštite okoliša HNK.

Prihodi od boravišne takse iz stava (1) tačka 2. ovog člana koristit će se prema programu iz stava (4) ovog člana koji se utvrđuje za narednu godinu, u okviru prikupljenih sredstava iz prethodne godine.

Član 3.

U članu 14. stav (2) briše se.

Član 4.

Uredba stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
VLADA

Broj: 01-1-02-1259/16
Mostar, 10.6.2016. godine

PREDSJEDNIK
dr. sc. Nevenko Herceg, s.r.

313

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i Odluke o uslovima i postupku za sporazumno rješavanje potraživanja pravnih i fizičkih osoba iz Budžeta HNK („Službene novine HNK“, broj: 10/15), na prijedlog Kantonalnog javnog pravobranilaštva HNK, broj: R-34/15 od 4.4.2016. godine, Vlada Hercegovačko-